


A painting depicting Jesus Christ as the Good Shepherd. He is shown from the waist up, wearing a white robe and a brown sash, holding a staff in his right hand. He is looking upwards and to the left. Behind him is a flock of sheep. To the left, there is a large, weathered wooden structure, possibly a gate or a stall, with vertical planks and some foliage growing around it. The background is a warm, golden-yellow color.

**TOPA' MINTAWH
HONGPAIPA-IN
THUPHA NGAHTA
HEN!**



**"Innlamte in a nilkhiat
suang pen innkiu suang bulpi
suak khinta hi. Hih pen
Topa' nasepna hi-a, eite'
mitah lamdang hi."**


(Late 118:22, 23)



Phatna late in a phuakte ii thuaknate, koici bangin Pasian tawh kizopnanei cih hong thei sak hi. Ahizongin tuate in ciangtan neilo hi.

Kha Siangtho in Hotkhiatna thu ah a om'loh theihloh aihhna thu kician takin gen dingin lai-at te tungah a hilh hi.

Eite' Zeisu Khris, Messiah, eite' Honpa in a nunna, a sihna, athawh kikna, van a kahna le a vangliatnate tawh kisai thupiangte pen Pasian in koi bangin geel hiam cih Late tung tawn in eite-in i mutel thei hi.



➡ ➡ ➡ Tuucingpa (Late 23).

➡ ➡ ➡ Bawlsiat thuak Messiah (Late 22).

➡ ➡ ➡ David tapa (Late 89 and 132).

➡ ➡ ➡ Tawntung Kumpi (Late 2).

➡ ➡ ➡ Vantung Siam'pi (Late 110).



TUUCINGPA

"Topa in tuu bang-a kei hong cingpa hi-a, bangmah ka kisam kei ding hi" (Late 23:1)



Ama nuntakna amasa lam ah, David in – Late bu tampi aaatpa – a pa' gan khawite a kem dingin amah mah kipia hi (1 Sam. 16:11-13; 2 Sam. 7:8). Amah in a tuute it in lauhuai na atuam tuam pan in a dal theih nadingin a sin hi (1 Sam. 17:34-35).

Ama' late a-aat lai-in, David in tuucing pa Pasian' ii kepna nuai-ah tuu bangin amah mah ahi-a, Israel mite ahizongin kimu thei hi (Late 23:1-4).

Pasian (eite tuucingpa) le eite (Ama' cin' tuute) kikaal ah kizopna koi bangin om a hiam?

- Late 95:6-7. Pasian in ei hong Piangsakpa hi.
- Late 28:9. Pasian in ei hong Honpa hi.
- Late 78:52. Pasian in ei hong Makaihpa hi.
- Late 79:13. Eite-in Amah i phat ding hi.

Zeisu in Tuucing Hoih hi. Ei hong piangsak, ei hong hon, le ei hong makaih Pa ahih manin eite Amah tawh i kisai hi (Jn. 10:4, 11-12).

Eite-in Amah tawh kizopna naai tak i neih ciangin, Ama' aw neem za-in Ama' tuu hon i suak thei hi (Jn. 10:4-5, 16).




BAWLSIAT THUAK MESSIAH

"Tui buakkhiat bangin kei hong kibuakhia-a, ka guh ka taang khempeuh kilawi mangkhin hi. Ka lungtang khuainun bang-a, ka awm sungah tuisuak hi" (Late 22:14)

Late 22 in Messiah ii bawlsiat thuakna kimu thei hi. Hih pen Zeisu singlamteh ah kikhailup a thuak na in kicing sak hi.

Ama mite' nawlkhinna, le bawlsiatna thuak hi mah taleh, Pasian in Zeisu pen kha Biakinn ii "bulpi/ inn kiu suang" dingin a suaksak hi (Late 118:22; Efe. 2:20-22; 1Pet. 2:4).



Azen zen in eite-in hih "suang" tungah i kiat'leh eite i kitam zaan dinga, hotkhiatna i ngah ding hi; ahizongin, eite-in tua i nial-leh, eite-in anen nen in kitamzaan in, i beimang' ding hi (Lk . 20:17-18)

V. 1. Zeisu Kammalte (Matt. 27:46; Mk. 15:34)

V. 2-6. Zeisu thuaknate

V. 7. Zahpih bawlin lu pei san hi (Matt. 27:39; Mk. 15:29)

V. 8. Mihonpi kammalte (Matt. 27: 43)




V. 9-14. Zeisu muanna le tuahkhak thute

V. 15. Zeisu dangtak (Jn. 19:28)

V. 16. Amaute-in Zeisu khut le khete dawtvang (Jn. 20:25)

V. 17. Ama' guhte khatzong kitan saklo (Jn. 19:31-37)

V. 18. Galkapte-in a puante kihawm uh (Matt. 27:35; Mk. 15:24; Lk . 23:34; Jn . 19:23-24)



DAVID TAPA


Nangmah in, "Ka teelpa tawh thuciamna ka bawlzo a, ka nasem David tungah thu ka ciamzo hi: 'Na suan na khakte kumpi-in ka kipsak dinga, na kumpi gam khang tawntungin ka kipsak ding hi," na ci khin hi. (Late 89:3-4)

Pasian in David tawh kiciamna bawlin leitung a om kumpi khem peuh sangin a lian pen hi ci-in a pulaak hi (Late 89:27).

David ii suan-le-khakte-in Israel te' kumpi tokhom tungah a tawntung in tu ding hi ci-in a kamciam hi (Late 89:3-4).

Bangbang hitaleh, Pasian in sathau a kinilh na nial in a gam a la hi (Late 89:38-39). Bang hang hiam?

Kiciamna pen mihing lampan kisia khin hi (Late 132:11-12). Ahizongin, Pasian in ama kamciam lenkip hi (Late 89:30-37).




Sathau nilh a ngah pa, David tapa,
Zeisu in kumpi lukhu a tawntung
in khu ding hi (Late 132:17-18).



Pasian tawh David kiciamna in eite khempeuh tawh kisai hi. A tha nem mihingte a dingin eite in kiciamna ii kisapnate kemcing dingin ahun le hun kipelh zongin, Pasian in eite pen upna tawh Honpa tung ah kinga-in Amah mah "kumpite le siampite" ci-in a taangko eite' in hehpihna hangin kipahtawi ding hi (Mang. 1: 5-6).

TAWNTUNG KUMPI

"Ka mual siangtho Zion tungah ka kumpi
ka tusak khin hi," ci hi. (Late 2:6)



Thawhkikna adingin, Pasian in Zeisu pen keima Ta ci-in pulaak hi (Late 2:7; Sawl. 13:32-33). Hih kam mal zat in Zeisu pen David' kiciamna ngah khin in Tawntung Kumpi ahihna pulaak hi (Late 2:8-12).

Satan in Zeisu pen kumpi diklo bangin mawhsiat in a tokhom bu'luh sawm hi. Ahizongin, a thawhkik na panin, Zeisu in Pasian tokhom tungah khatvei a tu kik hi (Late 110:1). Mawhsiat nate i khialhnate a pulaak khit ciangin, mawhna le langpan'nate a tawp ah siatna tawh a ngak Zeisu pen Van le Lei in a bia hi.

Zeisu ii maan'na/ ukna in bang hiam?

Late 2:9; 89:13

Amah hat in, sik teipi tawh a sutan hi

Late 89:14

Amah in hun khat sungin thutang in hehpih thei hi

Late 89:18

Amah in ama mite a hu/dal hi



VANTUNG SIAM'PI

"Topa in thu ciāmzo a, ama ngaihsutna kheello ding hi. "Melkhizedek bangin a tawntungin siampi na hi hi," a ci hi. (Late 110:4)

Kiciamna in Zeisu pen kumpi in koih hi (Late 132:11), kiciamna in Amah pen siam'pi dingin kipsak hi (Late 110:4).

Judah minam ahihna tawh Zeisu in siam'pi dinmun panin nawlkhin a thuak hi. Ahizongin, Pasian mahmah in Levi' mi siam'pi dinmun sangin a manpha zaw sepna khat ah Amah siam'pi ahihna pulaak hi (Heb . 7:14-15).

Zeisu' siam'pi dinmun in a dang bangte sangin manpha zaw hiam?



Heb. 7:21



Kiciamna
bulphuh
hi

Heb. 9:24



Vantung
biakbuk ah
a nasep
sem hi

Heb. 7:23-24



Liamma
hangin
sihna
thuak kei hi

Heb. 7:25



A palai sep
na le hot
khiat nasep
sem suak

Heb. 7:26



Amah kicin na
nei-in a hehpih
thei hi

Heb. 6:20



Pa Pasian mai-
ah ei' taangin
hong din sak hi

Zeisu i a lamdang vanglian siam'pi sepna vaipuak in eite' i thuman'na le upna tungah paulap omlo hongngetna hi.

“A kiat khit nung ah Ama tuute in mawhna khuamial lampite ah liamma tawh om a mu hi. A kawivak hih mite honkhia dingin Honpa’ inn ii zahtaak huai na le vangliat nate a nusia hi. [...] Amaute a inn sung panin sapna aw a za hi, “sun ni sat na sung pan a liapna mun ah, belh nading mun, le huihpi le guahpi te’ kidal na mun.” Isaiah 4:6. A tuu honte a don’na hangin a gim kei hi. Amah in a thanem mite thapia in, gentheihnate noptuam ngah sak in, tuu honte ama’ aangsung ah a pom hi. A tuu te in Amah it hi.”